

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 416695 21 St  
Tuzla, 06.06.2022. godine

Općinski sud u Tuzli, sudija Antonela Đaković, kao stečajni sudija, u prethodnom stečajnom postupku radi utvrđivanja da li postoje uslovi za otvaranje stečajnog postupka nad imovinom dužnika „**PRAKTIC**“ **EXPORT-IMPORT d.o.o. za proizvodnju i trgovinu na veliko i malo Tuzla**, ul. Izeta Sarajlića do br. 34, van ročišta, dana 06.06.2022.godine donio je sljedeće:

## RJEŠENJE

Pozivaju se povjerioci i zainteresovana lica da u roku od 30 (trideset) dana od dana objavljivanja ovog poziva predlože otvaranje stečajnog postupka nad imovinom dužnika „**PRAKTIC**“ **EXPORT-IMPORT d.o.o. za proizvodnju i trgovinu na veliko i malo Tuzla**, uz uplatu predujma za obezbjeđenje troškova stečajnog postupka u iznosu od 3.000,00 KM na depozitni račun ovog suda broj 132-1000-3091233-91 otvoren kod NLB banke dd, shodno članu 102. stav 7. Zakona o stečaju Federacije BiH.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

## Obrazloženje

Sud je dana 08.04.2022. godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „**PRAKTIC**“ **EXPORT-IMPORT d.o.o. za proizvodnju i trgovinu na veliko i malo Tuzla**, a za privremenog stečajnog upravnika imenovan je Emir Nuhanović iz Živinica. Dana 09.05.2022.godine privremeni stečajni upravnik je dostavio Izvještaj o provedenom prethodnom postupku.

Iz izvještaja privremenog stečajnog upravnika proizilazi da je društvo prestalo s radom 2017.godine kada je Rješenjem Općinskog suda u Tuzli broj: 032-0-Reg-15-000281 od 21.02.2017.godine utvrđen prestanak društva, ali je društvo i prije prestanka obavljanja djelatnosti ostvarivalo gubotak, koji je nastao po osnovu obaveza za neisplaćene plaće, kao i poreze i doprinose. Akumulirani gubatak iznad visine kapitala na dan 31.12.2021.godine iznosi 49.098,00 KM. Društvo ne posjeduje imovinu kako pokretnu tako ni nepokretnu. Račun društva je blokiran po osnovu naloga prinudne naplate, a društvo ime obaveze prema Poreznoj upravi FBiH, KPU Tuzla i prema dobavljačima.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 3.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Predujam se uključuje u obavezu stečajne mase.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

**SUDIJA**

Antonela Đaković

**POUKA O PRAVNOM LIJEKU:** Protiv ovog rješenja nije dozvoljena žalba.